

卻是真師暗中傳授

翫丹砂

本名浣溪沙

讚師叔玉蟾普明澄寂和公真人辭世

撲住虛無撮住空豈分南北與西東丹砂只在笑談中
性命不由天地管一聲珍重別山侗羽輪騰駕赴蓬宮

起慈悲

馬鈺常憑佛作為無為心內起慈悲尋聲救苦做行持
一切女男如父母見他生死十分危須當立箇上天梯

立法梯

立箇上天真法梯無形無影亦無基一條捷徑入無為
自在逍遙真活計常清常淨樂希夷自然天地悉皆歸

道藏輯要

洞玄金玉集

卷

胃集六

贈于先生

性燭光輝晃玉壺心香馥郁裊金爐刀圭爛飲醉真如
花萼樓前橫走馬華陰縣裏倒騎驢五陵年少捧神珠

贈郝先生

大悟浮生不戀家大乘體調不奢華大通玄妙不矜誇
大德建修真活計大丹烹煉好生涯大功成就步烟霞

贈堂下道人

閒是閒非不可聽那堪日日自談論暗傷功行損氤氳
舌是禍根牢鎖閉尋常省起禍之門自然性命得長存

自詠

破戒山侗說一場喫人耻辱不慚惶邇來酷好飲瓊漿
玄玉
玄金盈寶鼎真男真女滿丹房貪心更待住蓬莊

述懷

外樂何曾內動心箇中無口會哦吟聲聲清雅透瓊林
善聽
要聽聽不得如聾似瞽可追尋恁時仙佛作知音

贈甘張二先生

清淨無爲鎖密機金波玉灑結刀圭奇哉妙矣至幽微
捉住
杳冥昏默處能餐能飲更能携無中養就化生兒

贈朱先生

一飽馨香野菜羹臨溪對竹自吟賡不妨幹運甲和庚
何是

道藏輯要

洞玄金玉集

吳

胃集六
川川夕

道人真活計日當卓午打三更連雲和月一齊耕

贈甯海于瓦觀

水狗噴煙罩玉軒火牛入海種芝田白蓮花朵間青蓮
碧眼
胡僧眉拂地霜毛兔子角衝天如來圓相本來圓

贈堂下道人

捨了家緣更捨身卽非喂虎濟飢鷹幻軀識破自忘形
無恥
無羞無染著逍遙坦蕩氣神清心中真佛現光明

贈華亭李濟川

十一吾儕一箇來十人緣絆未心灰莫教失腳踏輪回
早早
投玄離苦海閑閑鍊氣養靈胎功成同去赴蓬萊